

范伯子先生全集

范伯子先生全集

范伯子先生全集

一函  
六册

北京市中国书店印行

定价：五十八元

蘊素軒詩稿卷第一

桐城姚倚雲

送別漱芳大孀

山雲透日不成雨  
曙色初開猶帶烟  
暫別忽如千里隔  
論交相憶五年前  
獨憐心矢茹冰志  
深愧囊無買酒錢  
此後相思何日慰  
愁看堤柳碧如川

偕大姊晚眺

何處鐘聲逐晚風  
碧天雲淨夕陽紅  
漁人隔岸弄明月  
白鷺銜魚出柳叢

夏日卽事

殘夢烏啼醒  
山窗旭日臨  
水穿新竹響  
山借白雲深  
蛺蝶爭花

徑幽蟲吟綠林此間棲隱地何處覓知心

早起

清露微涼透小軒  
雞鳴月落五更天  
微風動樹殘星盡  
一片人家上曉烟

留別七姨母

極目江村暮靄橫  
寒蟬無韻颯淒清  
那堪更有明朝別  
黃葉沿江送客行

侍祖母游後湖

湖氣遙通樹色中  
石城晴日淡烟籠  
平蕪漸茁連寒水  
堤柳初舒帶朔風  
山竹暗添斜徑綠  
野花微綻短籬紅  
簷輿乘興瞻名迹  
興廢於今幾轉蓬

月夜

清輝竹外度殘螢池面風生約綠萍獨立閒堦忘夜久一天露  
氣養空庭

遣興

誰識幽居趣山童放犢歸詠花偕小弟煮茗說重圍螢火亂高  
下蛙聲聽細微閒來一登眺與罷掩柴扉

月夜有感

月照山窗露浸林淒涼蟲語盡秋音一從漢上鍾期去萬里寒  
光寄此心

悼姪女蓮

啼笑渾如昨重泉隔死生二年吾失望一病汝無聲夢裏猶聞



喚悲來見舊情可憐提抱處雙袖淚縱橫

暮春應七姨母命作午繡詩卽以奉贈

新霽山窗下閒來事女紅葉深舒夏日花盡減春風慷慨浮生裏長歌聚散中自慚高厚誼送罷意何窮

寒夜書懷

舊迹經年幾變更小窗獨坐峭風鳴四邊木落寬原色不盡溪流送遠聲吾意何妨竟蕭索天君未許失清明故人別久無消息挑盡殘燈夢欲成

題庭隅梅花

爲尋好句獨徘徊始見庭隅放早梅知汝已將春事到殘陽斜照一枝開

夜雨有感因憶仲兄

杳杳長空數鴈聲  
夜窗獨坐覺愁生  
新詩吟罷聽山雨  
知有風濤阻客行

茉莉

暝烟漸下碧溪頭  
獨倚欄干起暮愁  
底事又逢開口笑  
一庭茉莉四山秋

別茶蘼花

十年避迹白雲間  
曉色初開雪後山  
此別正逢春到眼  
落花一徑是誰看

殤稻姪兼慰三弟婦

最痛汝幼小生年  
不滿周豈知啼笑  
處翻作死生愁  
淚逐山雲



落形隨逝水流強顏慰君思人事亦悠悠

喜漱芳尊者至

驟喜長懷慰欣逢麥熟天性情天所與肝膽氣能懸戶外古槐  
蔭堦前閒草妍陶然一樽酒已是別離筵

新秋閒望

四山雲物已成秋極目斜暉照翠樓梁燕漸思辭故壘江鴻初  
見到沙洲木樨檻外幽香發菡萏池邊冷豔收自起汲泉驚白  
鷺碧天飛處月如鉤

秋夜懷漱芳尊

殘螢度小閣曳輝明窗紗夜靜萬籟清空庭舒桂華輕霞籠新  
月積露潤寒花徘徊欄干下忽視星斗斜臨風懷幽人渺渺積

思遐遐思不可釋迢遞秋雲碧人生幾美景慎勿負佳夕烹茗  
呼女童獨坐對方冊朗誦古聖言欣然有所適閒居可養志淡  
泊遠心迹堦前素魄沈簷際猶餘白掩卷起挑燈良爲憶疇昔

### 送別二兄

奉君美酒盈金卮但爲盡醉勿復辭作客不須愁遠道海內交  
游好寄辭獨慚無以贈行旅舒懷卓犖敢獻詩北去須知白髮  
念南來莫使尺素遲後年桂子傳消息正是挑燈話舊時暮雨  
絲絲楊柳塢春風葉葉桃花浦黃鸝紫燕舞春風水碧山青繞  
江樹長天杳杳看歸鴻短夢依依聞杜宇功名早達慰高堂奇  
才終當向君父丈夫抱志在乾坤安能躑躅垂其羽珍重吾兄  
善自謀別後臨歧慎辛苦

送三弟之江陰

幽庭盈積雪皎皎殘輝潔涼月挂疏樹似爲離人缺池冰解魚  
沼爐火烹雀舌遲遲話清夜朗朗更籌徹欲餞芳尊酒共惜明  
朝別清晨送子發冷露侵車轍春來始柳芽枝條不堪折繫纜  
長江樓見柳應心絕尺書慰重闈遠致慈顏悅參差碧草榮崢  
嶸青山列獨念川途勞勉愼風塵劣儒生任窮達勵志追先哲  
豈斂四海心腸爲兒女熱

三弟以詩來索和答之

少小共遊戲誰解別離憂長大爲貧迫馳驅千里遊賓鴻橫天  
際翩翔逐同儔視此感我心何以釋新愁日出東山隅龍眠曉  
烟收征夫催發駕珍重意淹留相送登車去此心良悠悠



既送季弟行期以經歲遠暮雪壓青山晨光明翠巘渺渺月餘  
思忽報客子反驚喜慰重闈壺觴慶歲晚

骨肉得爲樂聚散良有已除夕薦芳尊共對如夢裏承懼白髮  
前繞膝孫曾喜側聽爆聲喧坐待晨光紫但恐開歲來復作遠  
游子

新歲直佳節是爾重經別生平棣情戀戀憑誰說含涕問歸  
期期在梅花潔肩輿發已遠送罷心酸裂兩老舉目望時外祖母亦在  
此去久猶哽咽

嗟吾與季弟失恃兩相憐弱小共依依情好無變遷瞬息十餘  
載未結青山緣痛恨深閨質自慙子平賢吉穴在何方碧草徒  
芊芊茫茫天地間此恨向九泉每當風雨夜寸心常欲穿

窗明天欲曉枝頭鳴好鳥花片雨霏霏柳絲風裊裊行眺小圃  
中郭外春山繞雲白橫林端烟青屯木杪時憶西山麓對景思  
少小偕爾啟柴關共愛山月皎

芳春逢佳日山水可適心良友二三子壺榼時相尋南弔季札  
墓北眺君山岑蹊花含妍態啼鳥弄清音雖懷鄉思多登臨亦  
散襟嗟我處閨闈遇景負春深遙念遊子樂短章繫飛禽寂寞  
芸窗下庭院日西沈

羣雀噪簷過斜暉挂疏枝綠蘭方披徑白蘋已盈池對景懷遠  
道臨風憶此時幕府肅清高春光上書帷詩書伸大雅文藻發  
英奇愧我乏優句遠慰風雨思安得桃花源骨肉永無離

秋夜偶題



更盡羅幃夢未成  
蟲四壁趁秋鳴  
半窗月上疏枝白  
一室燈浮小案青  
街柝沈沈雲歛  
艷銀河澹澹露縱橫  
無端清思勞長夜  
獨聽晨雞報曉聲

蘊素軒詩稿卷第一



蘊素軒詩稿卷第二

桐城姚倚雲

安福聞子規寄懷大姊

高柳依廊疏影低  
碧天清夜子規啼  
無端惆悵思千里  
雙桂樓前月向西

次大人試院偶成韻

竟日風光滿閒庭  
倚曲欄春陽如近  
夏宵雨不添寒苦  
茗爲詩助名山作  
畫看更憐千里意  
車馬未能安

叔節三弟  
計偕入京

次大人韻呈夫子

朝來鳥語變輕寒  
日上幽庭且閉關  
時雨已青窗外柳  
春風吹綠隔城山  
文章得傍淩雲氣  
鍼綫剛偷半日閒  
深鎖爐香簾影

靜任他蜂蝶鬧花間

次大人枯柏鵲巢韻

古柏何年種危枝久宿禽青森輕過眼孤直不同心近戶憐春色依棲弄好音榮枯終底事一爲歎消沈

和大人寄大姊三弟詩韻

風景三年憶故居爐烟裊裊雨疏疏春來望斷鄉關路燕雁迢迢未得書

楊柳風來籠碧烟豔陽花事白雲天思量紅杏樓前坐清話停鍼夕照邊

桃花片片柳絲絲小閣登臨起遠思暮雨燕山新客路朝華鳳啄憶君時